

Jawatankuasa ala CDRC ditubuh atasi hutang IKS

UM 13 SEP 2002

KUALA LUMPUR 12 Sept — Kerajaan melalui Bank Negara Malaysia (BNM) akan menubuhkan sebuah Jawatankuasa Penyelesaian Hutang Industri Kecil dan Sederhana (IKS) ala CDRC untuk menangani masalah hutang tidak berbayar IKS.

“Melalui Jawatankuasa ala Jawatankuasa Penyusunan Semula Hutang Korporat (CDRC), kerajaan akan dapat membantu para pengusaha IKS menangani masalah hutang ini,” kata Perdana Menteri, Datuk Seri Dr. Mahathir Mohamad ketika membentangkan Bajet 2004 di Dewan Rakyat hari ini.

Katanya, kerajaan prihatin terhadap peniaga kecil dan sederhana yang mengalami kesukaran membayar hutang.

Sebagai contoh, kata beliau, di bawah pakej strategi baru, BNM

akan menyediakan skim Penyusunan Semula Pinjaman bagi semua jenis pinjaman dan kemudahan kredit oleh peminjam sektor pelancongan.

Dr. Mahathir berkata, nilai pinjaman sebanyak RM3 bilion telah mendapat manfaat daripada skim tersebut.

Sementara itu, Perdana Menteri berkata, peniaga Malaysia perlu meningkatkan daya saing bag membolehkan mereka terus bersaing di peringkat antarabangsa.

“Ini hanya akan dapat dicapai dengan meningkatkan produktiviti, mengurangkan kos perniagaan, memperoleh teknologi serta lebih berinovasi,” ujarnya.

Tambah Dr. Mahathir, langkah perubahan minda semua rakyat supaya sanggup bersaing juga perlu diteruskan.